

# INUIT ATAQATIGIIT

## INATSISARTUNI



Nuuk, 2. januar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqar-punga.

(Inatsisartuni ilaasortaq Naaja H. Nathanielsen, Inuit Ataqtigiit)

### Apeqqutit:

1. Naalakkersuisut siulittaasuata inuiaqtigiinni innuttaaqatigiiaat kikkorpiaat imminnut saammaseqatigiittariaqartutut isumaqarfigivai?
2. Misigissutsit suunuku Naalakkersuisut siulittaasuata isumaa naapertorlugu innuttaasut attorneqaatigisimagaat aammalu nunasiaasimanermit inuit misigissutsikkut anniaatigisaat qanoq kingunerluuteqarsimappat/ersiuteqarpat?
3. Naalakkersuisut siulittaasuata isumaqarpa inuiaqtigiit kalaallit, qassinik ukioqarneq inuttullu qanoq misilittagaqarneq apeqqutaatinnagit, tamarmik nunasiaasimanermit misigissutsikkut anniaateqartuusut? Imaluunniit imaannerpa innuttaaqatigiiaat akornanni inuit ilaannaat ikiorserneqarnis-samik pisariaqartitsinerusut? Taamaassimappat inuiaqtigiinni innuttaaqatigiit sorliit eqqarsaatigineqarpat?
4. Naalakkersuisut siulittaasuata isumaqarpoq nunasiaasimanermit pisimasut saammaasseqatigiissutigineqarnerisigut innuttaasut amerlanerit inuiaqatigiinnut iluaqutaasumik iliuseqarsinnaangortinneqassasut. Nunasiaasi-manerup kingunipiluunik eqqugaasimasunit inuiaqtigiinni innuttaaqatigiit qassimmita Naalakkersuisut siulittaasuata isumaa malillugu ullumikkut inuiaqtigiinnut iluaqutaasumik tunniussaqaarnissamut akimmisaartinneqarpat?

### Tunngavilersuut:

Naalakkersuisut siulittaasuata ukiortaami oqalugiaammuni oqaatigivaa, pissutsit nunatta nunasiaasimaneranit aallaaveqartut tassaasut paqumigineqarnerpaanut ilaasut.

Oqalugiaammi oqaatigineqarpoq; "Qanga pisuni kiisalu innuttaaqatigiiaat akornanni uagulumu nammineq akunnitsinni pisimasut saammaattariaqarpavut."

Ilanngullugu oqaatigineqarpoq pissutsit taamaattut innuttaasut misigissutsimikkut attorneqaatigisimagaat suliarineqartariaqartullu.

2014-ip ingerlanerani Saammaateqatigiinnissamik Isumalioqatigiissitamik politikikkut sal-liutinneqarluni Naalakkersuisunit pilersitsisoqarnissaa pilersaarutigeqarmat, soorunami soqutiginaateqassaaq suliassamut taamak annertutigisumut aningaasartorfiungaatsiartusamullu isumaliutersuutit ilisimasallu suut tamatumani tunngaviunersut paasisaqarfigis-sallugit.

Kissaatigaara apeqquteqaatigisakka tamarmik ullut suliffiusut qulit iluini akineqareersimasasut.